

Morning Dogri (NSD) Bulletin 07-08-2024

आकाशवाणी

- राष्ट्रपति द्रौपदी मुर्मू होर फिजी दा दौरा मुकम्मल करियै अज्ज न्यूजीलैंड दे ऑकलैंड पुज्जडन।
- बंगलादेश दे राष्ट्रपति मोहम्मद शहाब्बुद्दीन होरें नोबेल पुरस्कार विजेता मोहम्मद यूनस होरें गी अंतरिम सरकार दा प्रमुख नियुक्त कीता ऐ।
- विदेश मंत्रालय नै सलाह जारी करियै भारतीय बसनीकें गी गुजारश कीती ऐ जे ओह लीबिया दी अपनी गैर जरूरी जातरा गी टाली देन।
- भारती रिजर्व बैंक नै बैंकें गी निर्देश दित्ता ऐ जे ओह करसानें गी फसल दोआर, पशुपालन, डेयरी, मच्छी पालन, भौर पालन सनं सरबन्धत गतिविधिएं लेई घट्ट सूद पर लौहकी अवधि आले दोआर-कर्जें उपलब्ध करोआन।
- विनेश फोगाट ओलंपिक्स दे फाइनल च पुज्जने आहली पैहली भारती महिला पलोआन बनी गेइयां न। हाकी दे मुकाबले च जर्मनी नै भारत गी 2-3 कन्नै हराई दित्ता ऐ।
- ते क्रिकेट च अज्ज भारत ते मेजबान श्रीलंका बश्कार 3 मैचें दी मौजूदा श्रृंखला दा त्रीया मैच खेड्ढेया जाग।

<><><><><><>

Bangladesh-Interim Govt.

बंगलादेश दे राष्ट्रपति मोहम्मद शहाबुद्दीन होरें नोबेल पुरस्कार विजेता मोहम्मद युनुस होरेंगी अंतरिम सरकार दा मुखिया नियुक्त कीता ऐ। एह फैसला राष्ट्रपति होरें सेना दे त्रौनें अंगें दे प्रमुखें ते 13 सदस्यी प्रतिनिधिमंडल कन्नै बैठक मगरा लैता। Anti Discrimination Student Movement दे प्रतिनिधि कन्नै एह बैठक ढाका दे राष्ट्रपति भवन, बंगभवन च कल होई। राष्ट्रपति दे मीडिया सचिव मोहम्मद जोयनाल अबेदिन होरें मीडिया कर्मिं गी पिछली रातीं दस्सेया जे अंतरिम सरकार दे दुए सदस्यें दे ना राजनीतिक दलें कन्ने सलाह-मिश्वरा करने मगरा तय कीते जांगन। युनुस होरें 2006 च नोबेल शांति पुरस्कार जितेया हा। एहदे आस्तै ग्रामीण बैंकें जरिए गरीबी विरोधी मुहिम चलाने आस्तै उंदे योगदान गी सराहेया गेआ हा। सेना दे सोमवार अपने हत्थे च काबू लैने दे बावजूद बंगलादेश दे बक्ख-बक्ख हिस्से थमां हिंसा दी घटनाएं बारै जानकारी थहोई ऐ ते जुलाई दे बश्कार च शुरू होए दे हिंसक विरोध प्रदर्शनें च 440 लोक जान गंवाई चुके दे न। पच्छिम जोशीद जिले च अवामी लीग दे नेता दे होटल च 24 लोकें गी जींदा फूकी दिता गेआ हा। तोआई बंगलादेश नेशनलिस्ट पार्टी दे प्रमुख ते साबका प्रधानमंत्री खालिदा जिया हुंदे परां नजरबंदी हटाई दिती गेइ ऐ।

<><><><><><>

EAM-UK

विदेशी मामलें दे मंत्रालय नै इक सलाह जारी करदे होई भारतीय नागरिकें गी लिबिया च गैर जरूरी यात्रा पर नेई जाने दी अपील कीती ऐ। मंत्रालय नै 23 मई 2016 गी पैहले बी भारतीयें आस्तै लिबिया यात्रा पर रोक लाई ही। एह रियायत लिबिया च मौजूदा हालात गी दिखदे होई दिती गई ऐ। लिबिया च मौजूद भारतीयें गी सलाह दिती गई ऐ जे ओह एहतियात बरतन, शिड़क रस्ते अंतर-प्रांतीय यात्रा नेई करन ते त्रिपोली च भारतीय दूतावास दे संपर्क च रौहन जेदा फोन नंबर ऐ 218943992046

<><><><><><>

SBI-Chairman

सरकार नै सी.एस शेट्टी होरें गी त्रै सालें आस्तै स्टेट बैंक ऑफ इंडिया दा अध्यक्ष नियुक्त कीता ऐ। शेट्टी होर जेड़े बैंक दे वरिष्ठ प्रबंधन निदेशक न। दिनेश कुमार खारा हुंदी थाह 28 अगस्त गी लैडन। केंद्री दी नियुक्तिएं सरबन्धी कमेटी नै शेट्टी होरें गी त्रै साल आस्तै एसबीआई दा अध्यक्ष नियुक्त करने दे वित्तीय सेवा विभाग दे प्रस्ताव गी मंजूरी देई दिती ऐ।

<><><><><><>

BIMSTEC-Business

बक्ख-बक्ख सैक्टरें आले तकनीकी ते वित्तीय सहयोग बेमिस्टक औद्योगिक सम्मेलन जेहड़ा बंगाली दी खाड़ी दी पहल दा पहला संस्करण ऐ, दा कल नमीं दिल्ली च सरिस्ता कीता गेआ।

बेमिस्टिक दे महासचिव होंरें आखेआ जे सारे सदस्य राज्य किट्ठे अग्गे आवा
रदे न ते बी-2-बी बैठकें सने बक्ख-बक्ख स्तरें च मलाटी करंगन। उनें मेद
जाहिर कीती ऐ जे इस पैहले बेमिस्टिक औद्योगिक सम्मेलन कन्ने अंतर क्षेत्रीय
उद्योग गी बाददा थहोग ते निवेश च बी इजाफा होग।

<><><><><><>

RBI

केंद्र सरकार तरफा संशोधित ब्याज सहायता योजना जारी रखने दे फैसले गी
दिक्खदे होइ भारतीय रिजर्व बैंक नै बैंकें थमां फसल उधार, पशुपालन, डेयरी,
मच्छी पालन मधुमक्खी पालन सने सरबन्धत कम्में आस्तै घट्ट ब्याज दर पर
लौहकी अवधि आस्तै लोन उपलब्ध कराने आस्तै आखेआ ऐ। करसानें गी 7
फीसदी दी ब्याज दर पर 3 लक्ख रपे तोड़ी पैसे दिते जांगन। रिजर्व बैंक नै इक
अधिसूचना च आखेआ ऐ जे उधार देने आली संस्थाएं गी 2024-25 आस्तै
ब्याज च डेढ फीसदी दी रियायत थहोग। समें अंदर उधार खत्म करने आले
करसानें गी ब्याज च 3 फीसदी दी अतिरिक्त छूट दिती जाग।

<><><><><><>

Paris Olympics

विनेश फोगाट पेरिस च क्यूबा दी युसनेलिस गुजमैन लोपेज गी 5-0 कन्ने
हराइयै ओलंपिक खेइएँ दे फाइनल च पुज्जने आहली पैहली भारतीय महिला
पलोआन बनी गेइयां न। सेमीफाइनल च इस जित दे बाद हुन उंदा चांदी दा
तगमा पक्का होई गेआ ऐ।

भारतीय महिलाएं दी कुश्ती च अज्ज बड़ा गै महत्वपूर्ण ध्याड़ा ऐ। अज्ज विनेश फोगाट ओलंपिक खेड़ें च देसै लेई पैहला ऐतिहासिक सुन्ने दा तगमा हासल करने दी मेद कन्ने 50 किलोग्राम फ्री स्टाइल फाइनल मुकाबले च हिस्सा लैंगन। अज्ज रातीं पौने 10 बजे उंदा मुकाबला अमरीका दी सारा एन हिल्डर ब्रांड्स कन्ने होग। अज्ज सब्बनं दिआं नजरां मनिका बत्रा, श्रीजा अकुलाते अर्चना कामथ दी टेबल टेनिस टीम पर होंगन जेड़ी सेमीफाइनल च पुज्जने दी मेद दे कन्ने अपने शा उप्परतले नंबर आल जर्मनी दी टीम कन्ने खेड़ोग। एह मैच दपैहरी 1 बज्जियै 30एं मिंटें पर होग। भारत लेई एथलेटिक्स च सब्बनं शा बड़ा आयोजन मर्दे दा 3 जहार मीटर स्टीपल चेज फाइनल होग जेदे च अविनाश साबले तगमे लेई मैदान च उतरंगन।

<><><><><><>

Rev. Olympics Hockey

भारतीय पुरुष हाकी टीम पेरिस ओलंपिक दे सेमीफाइनल च जर्मनी कोला 2-3 कन्ने हारी गई ऐ। 44एं बरें बाद ओलंपिक दे फाइनल च थाह बनाना भारत आस्ते सुनैहरा मौका हा। मगरा जर्मनी नै इस सुपने पर पानी फेरी उड़ेया। हरमनप्रीत सिंह, सुखजीत सिंह होरें भारत आस्तै गोल कीते ते जर्मनी आस्तै गनजेलो पेइलात, क्रिस्टीफर रूहर ते मार्को मिलकाऊ होरें गोल कीते।

<><><><><><>

Cricket

क्रिकेट च त्रीया ते फाईनल मैचे भारत ते मेजबान टीम श्रीलंका बश्कार अज्ज कोलंबो दे प्रेमदासा स्टेडियम च होग। भारती समें मताबक एह मैच दपैहरी ढाई बजे शुरू होग। इस श्रृंखला च श्रीलंका दुए इक्क दिवसीय अंतरराष्ट्रीय मैच च 32 रन्जें कन्नै जित्तिये 1-0 कन्नै अगगे ऐ। रोहित शर्मा हुंदी कप्तानी च भारती टीम श्रृंखला च बराबरी पाने आस्तै अज्ज खेड्ढोग। श्रीलंका टीम इतिहास रचने दे करीब ऐ जे उंदे आस्तै भारत खलाफ केड्ढं बरें बाद दपक्खी श्रृंखला जित्तने दा मौका ऐ। दुई बक्खी भारत बी अज्ज दे मुकाबले च अपना पूरा दमखम लाग। भारत नै 1997 मगरा श्रीलंका खिलाफ कोई श्रृंखला नेई हारी ऐ।

<><><><><><>